



Krouli: Integracija BiH u EU



Montgomeri: Opasne izjave

Nova reakcija Stejt departmenta Vjerujemo u napredak, a ne u propast BiH

SAD ponovo izrazile snažnu podršku
punoj integraciji BiH u NATO i EU

Američki Stejt department, reagirajući na sporne izjave bivšeg ambasadora SAD u Bugarskoj, Hrvatskoj i Srbiji Vilijama Montgomerija (William Montgomery) o neizbježnom raspadu BiH, ponovo izrazio snažnu podršku punoj integraciji BiH u NATO i Evropsku uniju, prenijela je Fena.

Komentirajući Montgomerijevo predviđanje raspada BiH, portparol Stejt departmenta Filip Krouli (Philip Crowley) odgovorio je, izbjegavši spomenuti Montgomerija, kako je državna tajnica Hilari Klinton (Hillary Clinton) tokom nedavne posjete Sarajevu potvrdila snažnu američku podršku integraciji BiH u NATO i EU.

- Mi smo bili značajno angažirani s evropskim partnerima te imali mnogo, mnogo razgovora, i posjeta državne tajnice, njenog zamjenika i drugih. Nastojimo BiH pomaknuti do tačke u kojoj je u potpunosti integrirana, i kao država, a zatim u Evropi - rekao je Krouli.

Naglasio je da Sjedinjene Države podržavaju ulazak BiH u NATO, te se nada da će postati punopravna članica EU.

- Podržavamo proces u kojem BiH ima mogućnost ulaska u NATO i ne predviđamo njen kraj, već se nadamo da će BiH napredovati i postati punopravna članica EU - rekao je Krouli na dnevnom brifingu za novinare.

Plan pomoći pripadnicima OSBiH Za zbrinjavanje otpuštenih vojnika tri miliona KM

Vijeće ministara BiH jučer je odlučilo iz državnog budžeta izdvojiti tri miliona KM u NATO Trust Fund za zbrinjavanje otpuštenih pripadnika Oružanih snaga (OS) BiH od 2010. do 2012. godine. Restrukturiranjem budžeta Ministarstva odbrane BiH milion KM u ovu svrhu bit će prenesen na tekuće grantove, dok će Ministarstvo finansija i trezora BiH poslije toga novac prenijeti na račun NATO Trust Fonda, koji će biti namjenski otvoren za ovaj projekt. Preostala dva miliona KM trebala bi biti osigurana u budžetu institucija BiH, i to po milion KM u 2011. i 2012. godini.

Zbog neispunjavanja uvjeta za



OSBiH: Otpuštanja se nastavljaju

produženje ugovora o profesionalnoj vojnoj službi, od 2010. do 2012. godine iz OSBiH treba biti otpušteno 3.320 vojnika. S. R.

ESV danas o Razvojnoj banci FBiH

► U sjedištu Vlade FBiH danas će biti održana sjednica Ekonomsko-socijalnog vijeća (ESV) za teritoriju FBiH. Na dnevnom redu su nacrt budžeta Vlade FBiH za 2011. godinu i izvještaj o radu Razvojne banke FBiH za 2009., javila je Fena.

www.dnevniavaz.ba



PORTAL - komentar dana

Za skupe patike i jaknu djevojčice su spremne i na seksualne odnose sa starijim muškarcima!

- Danas roditelji ne odgovajaju djecu već društvo koje postavlja norme da je cool ako imaš patike, jaknu, mobitel, motor, a da istovremeno ništa ili skoro ništa ne radiš. Dijete razmišlja logički, zašto bih ja radio za patike ili jaknu kad niko ne radi, svi nešto hapaju, a žive dobro, moji roditelji rade od jutra do mraka i nemaju para da mi kupe patike. Pa, šta je bolje onda, raditi ili se snalaziti? To je poruka koju ovo društvo šalje djeci. (muharem seper)

LOTO 2 7 13 21 28 40

JOKER
012783
736578

VAŠINGTON Ako republikanci preuzmu većinu u Kongresu SAD

Američki interes za BiH će oslabjeti

Izborne ankete govore da će demokrati izgubiti čelna mjesta
u Predstavničkom domu Kongresa

Američka fokusiranost na BiH mogla bi dodatno oslabjeti ako republikanci dobiju većinu mjesta na izborima za Kongres SAD, izjavio je jučer za „Dnevni avaz“ Kurt Basiner (Bassuener), američki analitičar iz Centra za demokratizaciju.

- Kongres je uvijek imao važnu ulogu, posebno kada je riječ o politici prema BiH. To se posebno odnosi na Predstavnički dom (House) i Komitet za vanjske poslove Predstavničkog doma. Ako dođe do promjene u većini, odnosno u rukovodstvu tog i još dva komiteta koji se bave BiH, imat ćemo promjenu u politici i određene posljedice - kaže Basiner.

Izbori za američko zakonodavno tijelo održani su jučer, a rezu-



Basiner: Važna uloga Kongresa



SAD: Izbori za američko zakonodavno tijelo održani jučer

ltati se očekuju danas. Sve ankete predviđale su da će republikanci ostvariti bolji rezultat nego demokrati, koji su uz Bijelu kuću imali i većinu u Kongresu.

- Dosadašnje iskustvo govori

da su demokrati više fokusirani na BiH. Ako na čelo komiteta Kongresa dođu republikanci, možemo očekivati da će biti manje zainteresirani za aktivnosti u BiH - ističe Basiner.

T. LAZOVIĆ

Ekipa „Avaza“ obišla centar klizišta kod Trnova

Stravični prizori nakon klizanja tla

Na dužini od 1.000 metara desetine kanala nastalih
klizanjem i hiljade povaljanih stabala

Ekipa „Dnevnog avaza“ i jučer je posjetila Bogatiće kod Trnova i najveće klizište u BiH. Naši reporteri bili su u samom središtu klizanja zemlje. Već od podnožja klizišta pratila nas je stravična slika.

Pored porušenih stepeništa, objekata i uvala, do epicentra smo se morali provlačiti kroz desetine kanala nastalih klizanjem i hiljade povaljanih stabala na više od 1.000 metara dužine.

U Bogatićima smo jučer zatekli

i stručnjake Ljubomira Rokića, profesora Građevinskog fakulteta u Sarajevu, i akademika Dževada Sarača. Oni su došli s predstavnicima jedne projektantske kuće. Kako su nam kazali, trebali su snimiti teren kako bi, uz brojne podatke koje posjeduju, mogli napraviti kvalitetan projekt sanacije.

Iako Rokić nije želio otkriti ime i naziv projektantske kuće, njen predstavnik kazao nam je da su, nakon prethodnog sasta-



Bogatići: Klizište odnijelo veliki broj stabala

(Foto: S. Saletović)

nka u Ministarstvu sigurnosti o rješavanju opasnog problema u Bogatićima, dobili zadatak da naprave projekt sanacije. To će vrlo brzo završiti kako bi se krenulo s radovima.

S. MUHIĆ

Izbor direktora Federalne policije

Kandidati za čelnika FUP-a 12. novembra na testu

Nezavisni odbor za izbor novog direktora Federalne uprave policije (FUP) održao je jučer u Sarajevu novu sjednicu. Dogovoreno je da 12. novembra budu pozvani svi kandidati koji su se prijavili na konkurs za ovu poziciju, a kako bi prošli pisani dio testa, nakon čega trebaju uslijediti pojedinačni intervjui.

Kao što je naš list već pisao, kandidati za direktora FUP-a su Dragan Lukač, sadašnji šef Odjela SIPA-e za zaštitu državnih objekata i osoba, Sead Lisak, bivši visoki zvaničnik SIPA-e, a sada savjetnik



Nezavisni odbor: Nastavlja s procedurom

direktora Granične policije (GP) BiH, Željko Čorić, šef Terenskog ureda GP-a u Čapljini, Rafael Pivić, aktuelni policijski komesar Livanjskog kantona, i Drago Vu-

koja, policijski komesar Srednjobosanskog kantona.

Prijavu Zlatka Marušića, načelnika kriminalističke policije MUP-a Zapadnohercegovačkog kantona, Nezavisni odbor proglašio je nevalidnom, jer nije dostavio aplikacioni obrazac.

Aktuelni direktor FUP-a Zlatko Miletić nije se prijavio, jer konkurs smatra nelegalnim, odnosno cijeni da je predsjedavajući Nezavisnog odbora nezakonito na tom mjestu, s obzirom na to da nema saglasnost rukovodioca za članstvo u tom tijelu.

M. K.